



Universitätsbibliothek Paderborn

**Elogia Societatis Iesu Sive Propvgnacvlvm: Pontificum,
Conciliorum, Cardinalium, Antistitutum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

5 Dæmon tandem ex Inferis

urn:nbn:de:hbz:466:1-38486

CLASSIS V.

AB INFERIS:
SIVE
A DÆMONE.

Ergo: ad Operis calcem, ad cursus metam: ad nostræ nauigationis portum appulimus: ad Infera tandem descendit exigua huius discursus nauicula, nec ideo submergenda, immo magnis Encomiorum spolijs onusta, tarda, grauisque venit. Sed an speciosa sit laus in ore Inferorum, siue Dæmonis forte quis ambigat? cum legamus plurimos ab illaudatis noluisse laudari, quales Antisthenes, Plutarchus, Agesilaus, pluresque alijs fuisse dicuntur. Fateor: sed etiam ab hoste laudari, non inutile est. Veritatis namque (ut inquit S. Chrysost. hom. 28. in Ioan.) maximum argumentum est, cum quis inimicos in testimonium adducit. Et cum Diabolum video eximum Christi Domini Encomialem Marc. 1. 24. Bedam etiam Venerabilem audio: Non est haec voluntatis confessio, Marc. 23 sed necessitatis extorsio. ap. Gloss. Sic ego in Societatis ²⁴ laudes non accipio à Dæmons testimonium, sed confessionem: inuitus ille dixit, sed exactus, & tortus. Iam ergo hisce Iesuanis Elogijs non tam coronidem, quam coronam Inferi imponant, siue ab ipso tenebrarum Principe lumen accipient.

Ignatius,
et socij
excellentes
virtute, at
admirabili
doctrina
predican-
tur à Dæ-
mone.

Qui ma-
gnis pro-
missis edu-
cere eos è
Societate
tentat.

Gens illi
magis odio-
sa Iesuitæ.

Eorum ad-
uentum ad
Mexicanū
Regnū la-
mentabun-
dus con-
queritur.

1. **A**DÆMONE, Inquam, Qui intra mulieris corpus carce-
Aratus Venetijs, videns S. Ignatum, ac socios, magnis vo-
cibus non semel exclamauit: Vos (ad adstantes dicebat) nescitis qui
sint isti Clerici, sunt viri excellentes, magna virtute, & ad-
mirabili doctrinâ prædicti. Ego meique socij quidquid potui-
mus fecimus ad eorum Consilia disturbanda, ne huc veni-
rent, sed frustra. Hoc Parens mendati testimonium pro Societate,
eius Parente, ac filijs edidit honorificissimum. Ita apud Euseb.
in vita S. Ignat. cap. 9. in fine Tom. 1. viror. Illust. Soc.

* AB EODEM: Qui P. Ioannem del Castillo egregium eius
inimicum importunis hisce vocibus aliquando alloquebatur. Egre-
dere de Societate, & te faciam hominem totius mundi præ-
stantissimum: totius scripturæ notitiam dabo, ac supra dig-
nitatem, quam malueris sustollam. Quod si nolueris, aliam
administrum Religionem elige, & ne sis cum his Societatis ho-
minibus, ex toto quidem Orbe pessimis. Quid tibi cum iustis?
potens ad tuum libitum vitamducere. Hæc Tom. 2. viror. Illust.
Soc. fol. mihi 774. in vita Eusdem.

AB EODEM: Nullam (alias dicebat miser) fore gentem in
Mundo sibi magis odiosam, quam Societatis homines: ideoque
plus aduersus ipsos, quam contra ullum alium perpetuo se dimicare:
vnumque Dæmonem persequi vnum ex alijs Religionibus, decem ve-
ro Dæmones vnum è Societate, quam conabatur destruere, & in
omnibus partibus extinguere. Sic Ibidem fol 779. Et quantopere
hic Tenebrarum Princeps Societatis viros prosequatur odio, iterum
declarauit, cum in Energumena quadam exorcismis adigeretur, Con-
fessus est inter cetera, Nullam legentem acerbius odisse, quam
Iesuitas. Ita apud P. Plati de bono status Religion. lib. 2.
cap. 30.

AB EODEM: Qui cum Nostri in Mexicanam Provinciam ap-
pulissent, infremens, atque horrendis implens vllulatibus montem,
vbi pro Deo colebatur, quam sibi dolori, atque horrori esset nouorum
Sacerdotum aduentus, non dubitauit cuidam, quem sibi denotione
obstiri

obstrictum habebat, lamentabundus aperire. Ita in Imag. 1. sec. Sac.

lib. 2. cap. 8. fol. 234.

AB EODEM : Quem Panormi famina quædam velut intem-
perijs quibusdam excitata prouocarat : & illi facta sui corporis ad li-
bidinem copia ad Inferendam Octauio Nostro Caietano necem, quam
ipsa cum maxime vellet, non posset, opem depositit : sed demum coactus
est ipse quoque hostis infernus fateri imbecillitatem suam, cum diceret,
Ignatum non permittere, vt suis filiis quidquam noxæ infli-
gat. Sic refertur apud P. Alegambe in sua Bibliotheca scriptor. Soc.
fol. mibi 358. in vita Eiusdem Octauij Caietani.

AB EODEM : Qui consultus ab Indis Tepeguanis super bello, Quantum
quod cum Hispanis gerebant, obtulit omnibus se Indis in illo bello dis-
cessuris & vitam intra septiduum restituturum : cui promissio cum non
stetisset, post complures dies mendacij accusatus ab Indis, respondit :
Incepto bello insisterent, alioqui perituri ; quod tamen ad ips-
sum spectabat, non posse vterius ipsis opem ferre, siquidem
à Coronatis illis (sic Nostros & vocabat) prohibebatur. Ita lib. 9.
Hist. Mission. Sinaloensium cap. 23. fol. mibi 617.

AB EODEM, Cum Hæreticis Caluinistis confirante, in ej- Ideo è
cienda è Gallico Regno Societate. Nam per id tempus, quo Caluini- Gallia ex-
stæ electionem Societatis è Gallia procurandam decernunt, Augi E- terminan-
nergumenæ ore acriter Dæmones minitari capere, Se non quieturos, cum Hære- tur. Eodem
quoad ex Gallia IESVITAS exterminarent. Quod ut multis ticiis con-
post annis, & quidem (Deo cuncta in melius vertente) quanto suo spirante.
cum damno consecuti sint, ex nostris, & exteris Annalibus satis
liquo constat. Sic Par. 5. Histor. Societ. Tom. 1. lib. 4. numer.

109.

AB EODEM, Velpotius à Dæmonum legione, ut constat ex Et Vienna.
memorabili easu, quem in Annal. Soc. ann. 1583. belle delineatum cum tota
inuenio, & iisdem verbis referre opere pretrum duxi, ne incompto met- legione in
calami delineamento sordescat. In pago, quod Vienna distat pas- puella cor-
suum millibus octo, Virgo erat Anna nomine, hæretica illa
quidem, & ab hæreticis alta parentibus, sed tamen simplex;

&

& recta, & suorum imperio obsequens. Huic auia benefica erat, quæ se malo Dæmoni multis iam annis ante deuouerat. Hæc neptem suam Annam vt adoleuit, eidem humani generis hosti pro veteri sua coniunctione despondit. Eo non contenta, poma ad aspectum pulchra, plena tamen cantionibus, ac beneficijs puellæ offert, simulque astanti cuidam vt fidem daret (Dæmon is erat) hortatur, cum illa initio recularet, diris eam verberibus ad id compulit. Haustis ijs, quas dixi rebus, vniuersum puellæ corpus intumuit. Hinc vehemens orta suspicio puellam Dæmonis obsidione teneri, id quod postea declarauit euentus. Distorquebat Dæmon ora puellæ, oculorum inuertebat aspectum, cumque aqua benedicta oris tumoribusaspergeretur, in alias partes corporis emigrabat. Cum caput occupauerat, lumen rationis sic obscurabat, vt ea redderetur insana; cum in oculis sedem ceperat, nouo illi fulgore lucis ardebat; vbi os, & labra obsederat, nigræ aut rubicundæ fabæ instar apparebant. Venitur ad fugandos Dæmones, venitur ad exorcismos: qui cum initio nihil proficerent, permotus parentis precibus Imperator filiam Viennam iubet adduci, Episcopique curæ committi. Episcopus cum literis Imperatoris ad Collegij Rectorem venit, egitque non modo precibus, verum etiam imperio, vt id oneris noctri susciperent: felicem enim rei exitum se sperare. Nostri etsi ægrè admodum rem tantam suis humeris imparem suscepserunt; Episcopi tamen precibus auctoritateque compulsi xv. Kalend. Iulij ad expiandum Spiritus Sancti Templum aggrediuntur. Initio cum paucis actares est. Placuit postea diuinæ sapientiæ, vt ad aures, oculosque multitudinis perueniret. Nam Dæmonum v lulatibus, & inconditis vocibus, quibus modo porcorum grunitus, modo ranarum coaxationes, modo vitulorum boatus, modo alias aliarum bestiarum voces imitabantur, est factum, vt res diutius latere non posset.

set. Itaque tantus fuit repente concursus , quantus ad celeberrima quæque spectacula , vt necesse fuerit facelli fores ad arcendam vim multitudinis obsidere. Hic cum Dæmonum turba confligitur, hic ad infirmandas callidi hostis vires Christi Crucis , alijsque Ecclesiæ Catholicae armis incumbitur. Inuidus hostis abstinere maledictis non poterat , ac præter cetera maledicta quibus nostros homines onerabat , eos murium Capita , & nigros arietes appellabat ; querebatur que , quod vbi vbi nostri essent , suis conatibus , artibusque resisterent , ideoque nihil sibi fore gratius , quam si IESVITAS omnes , quotquot terrarum Orbe dispersi sunt , ex uno patibulo pendentes aspiceret. Iubebatur Crucem osculari puella , frementibus hostibus , atque horrendum in modum rugientibus : Ea ratione fugabantur quotidie multi , & certis signis coactus exorcismis Diabolus indicabat , &c. Pridie itaque eius diei , qui assumptæ in Cælum Deipara festus est , post horrendos clamores , & horribiles eius latus , tandem Dux ipse legionis excessit. Puellamque ita reliquit afflictam , atque exanimatam , vulgo ut mortua putaretur : Iacuit enim viræ visibus destituta horas circiter quatuor : consequenti vero nocte recreata , postridie , qui dies fuit B. Mariæ Sacer à suis expiata peccatis , ab Episcopo Viennensi , qui in æde nostra vniuerso populo rem omnem exposuit , Christi corpus accepit. *Hic casus est vel eterna hominum memoria dignus : hic timor Dæmonis , hoc odium contra Iesuitas adeo ingentibus expressum , ut nil sibi gratius , quam omnes in uno patibulo suspensos aspicere , inuidus hostis plene ac plane coram omni populo fateri non dubitet.* Quæ rogo , maior Societatis , ac feriorum gloria ? Quare hic Ego etiam calatum suspendo : Et Doctioribus lampadem trado pro discussienda hac Encomiastica palestra.

Huc usque me deduxit , qui me duxit in vehementer amatam IESV Societatem , Matrem mihi colendissimam : quo beneficio con-

Qqq

strictus

strictus dum Societatis emolumenta non ostendunt mei mores , ut
nam vel prædicem calamo. Portum attigimus. Hic fixa sit ultima
periodus Operis. Absoluimus in Collegio S. Michaelis apud Tucuma-
nos die 27. Septemb. ann. 1665. die , inquam , SS. Martyrum Co-
mæ, & Damiani venerationi Sacra , & fausto Societatis natalitio-
veneranda : quæ Gemino hoc sub signo, tam fortunatoque Sidere na-
ta, haud mirum tot meruerit Elogijs coronari.

Omnia ad minimas usque Syllabas , ad Iota , &
Apicem Sacrosanctæ Romanæ Ecclesiæ
Correctioni Subijcio.

A. M. D. G.

PRO-